

蘇軾先生文集卷之五

門人關西張鼎校正



絕句

朝回行堤上

御溝行處早朝回
春水平堤不起埃
柳綠蒲青無限好
客邊襟抱一時開

簡焦李羅劉四侍御

綠柳紅葵滿憲臺
幾陪蕃芻共徘徊
昨朝一別長官去
直到新年院裏來
未用韓句

文明門外水悠悠
妓子歸來兩打頭
却笑道人心似鐵
又無飛夢到青樓

鐵扇都門鎮日開無風車馬塵埃雷公不吝連朝雨洗
盡炎蒸一快哉

每憶清談對數公別來無日不從容少陵自是能詩者却
笑樽中酒屢空

黃榜同年雙進士青毡並榻兩先生四君高論應難及別
後深知鄙吝萌

讀劉靖脩黃金臺詩

賢者何曾為此來黃金空復置高臺先生志節超千古一
曲清風溢九垓

再懷沈州五友

沈陽清氣滿烏臺為有脩篁既戶裁兩載好風明月夜

詩誰對此君裁

無端詩興遠誰添紅白雙梅倚畫簷千里中州風雪夜
窓清月憶湘南

簾捲秋風繞砌花沅陽幾對昔年華關山白露三千里誰
采金英泛紫霞

持贈曾同驛使梅緜香聊爾意徘徊當時九曉花應在幾
向光風爛熳開

薜荔闌邊綠錦池竹亭深坐晚涼時忽成遠道空勞想秀
色天香發向誰

汾上春行

清汾信馬踏春酣汀草萋萋隴麥新正是暖風啼鳥日水

村花塢似江南

驟寒

曉起題詩硯有冰苦寒欲訴玄冥却思持節荆南道臘
月湖山草色青

河南將歸

我憶分南田舍好綠槐如蓋擁高門南園舊種双桐樹應
有孫枝到碧雲

忽憶

忽憶鞏東峯子嶺入雲遙見大河流中原勝槩皆堪賦攬
轡還當逐壯遊

汾河南岸看龍

兩載東風看杏花汾河南岸水西斜幾回駐馬憐穠艷只
恐春流泛落霞

汾水南邊錦作堆連朝相報杏花開東風好景休虛擲一

日浪來一百迴

過壽陽用韓文公韻

征騎鷄鳴發大安山深五月尚風寒壽陽舉目孤城近東
嶺金烏爛曉團

憲臺齋宿

憲臺齋宿幾連宵絳燭銀爐伴闌更斗帳夢回更漏永只
聽窓外冷風飄

喜雨雜詠簡院長諸公八首

聖明端拱太平時好雨當春細若絲應是栢臺添氣象旋
滋花柳更催詩

正是陽和溥萬方知時好雨潤群芳趣朝共覩
天顏悅應喜斯民樂泰康

霏霏朝雨潤彤庭恭逐鷄行謁聖明白玉橋邊鳴珮過
御溝春水一時生

御溝新柳濕鵝黃佩馬朝回雨露香栢府文書春日靜相
過唯覺和詩忙

栢臺春靜書殿殿好雨如絲不捲簾最是東君能借力開
庭草色一時添

雨過西山翠欲流葱葱佳氣滿神州畫生莫笑今霜鬢

駿馬看花已慣遊

聖主龍飛第一春天垂雨露萬方勻蒼生坐見躋仁壽自
昔膺歌有舜臣

萬國同心奉至尊新民重見飲衢樽欲知和氣薰天地
只在三春雨露恩

發通津驛三首

六月官船發潞陽水村烟樹共迷茫天門忽已如天上抵
見青山一帶長

新捧天書帶紫泥又承恩旨按三齊通津南下波連海
渺渺風帆去似飛

五色天書出禁中儒臣將命按山東滄波南下通涿泗魚

躍禽飛總 帝功

宿臨清徽省行館

微垣蕭洒九秋天風葉敲牕夜月圓有客乘驄來借宿新
詩留作實身錢

泉林寺

口下何處... 秋絕憐好景添清興為

馮新詩記勝

嘉祥分司元宵

分司相見... 幸風... 不知身是... 覺
來秋... 意... 不知身是... 覺

嘉祥分司元宵

去年客裏遇重陽曾與同官摘晚香今日分符行郡邑獨

將遠意者秋芳

嘉祥分司元宵

行臺好面是蒼山古栢風生分外寒又值元宵春一度謾

燒紅燭伴清歡

鉅野道中

鉅野茫茫遠際天春風春雨淡春烟河流尚自成陳迹俯
仰千年事落然

題汶上分司二小栢

霜臺對植長新枝翠葉交承雨露滋直幹總應無曲處種
年俱有棟梁姿

聞蛙有懷

春晚乘驄駐德平古城牆外有蛙鳴却思青草池塘夜三
載湖南獻此聲

暮春道中見桃花尚開

馬穿新綠過園林已恨穠芳誤賞心猶有小桃花未落獨
留餘艷到春深

鄒平分司雜詠二首

行臺獨坐聽鳴鳩喬木參天五月秋舉目好山青未了應
隨馬足遍東州

樹繞行廊散碧陰鶯啼小圃送清音葵花無數開如錦解
是傾陽共此心

臨淄道中

平郊漫漫樹依依人物千年總已非多少荒臺芳草合不
知何處是三歸

青州分司榴花

石榴小萼未開時渾似紅櫻壓翠枝照日含風千萬朵故
園千里正相思

穆陵關夜雨

萬山絕頂穆陵關一上山樓五月寒烟樹滿川浮暝色晚
風吹雨濕闌干

膠州

幾點青螺海上山參差樓閣海天寬行臺五月不知暑紙

覺侵人海氣寒

栖霞見青桃

來日紅桃尚有花青桃如彈過栖霞無端馬首還東去直
看青山到海涯

栖霞行臺夏日

四山環繞栢臺深綠樹濃交戶外陰還似湖南持憲節坐
聽山鳥弄清音

望嶽

攬轡西來過泰安拂空青靄掠征鞍東還筭是初冬日擬
上天門次第看

萊蕪懷古

清節誰能似范丹清名千載重人間萊蕪縣裏停驂日坐
對南山秋色寒

再詠汶上分司二小栢

一迴相見一迴高夾砌行看翠葉交偉器定如房與柱相
期聳壑更昂霄

魚臺分司

翠竹紅榴掩映間栢臺清晝鳥聲閑情知物理相關處心
與乾坤一樣寬

三詠汶上分司二小栢

高標離立入簷長已有清陰近重堂別後又看新子結風
生滿院散天香



P8

渤海道中

學道于今四十春擬將事業贊經綸又從北海尋東海叨
祿能無愧古人

題書畫琴棋四首

書

鳥跡紛紛變化多競將姿媚逐流波欲知筆力通神處點
畫都從主敬過

畫

駁物工夫有底忙江山萬景入微茫欲知畫出乾坤意只
有濂溪獨擅場

琴

忽驚虛室起潛蛟雲氣陰森蒸氣飄霜雪不知幾千古長
年性有鷗來巢

臨胸分司四小柏二首

解是平生獨愛材新移四柏後堂栽懸知數百年來後應
有清陰滿憲臺

四柏移來拱把餘一行分植傍階除故應雨露均培養直
幹爭看聳碧虛

簡黃仲芳大叅三首

正統四年秋九月天官門下識君時神都第一科中客接
踵青雲愧後期

雅量每期黃叔度正人應愧薛居州斯文四海知同調且

喜京華並遊

天衢連日踏塵埃忽聽蕭蕭夜雨來明日况逢重九節好
懷應為大叅開

十二景為術聖公孔彥縉賦二十四首

小亭花雨

小結茅亭壘石甚繞亭時雨百花開一襟道氣清如許更
挹幽香滿座來

曾過君家飲小亭醉看紅雨濕春聲別來生意應如昨長
對東風閱聖經

夾道槐雲

夾道槐根孔世家兩行飛蓋影欲斜要承濃渥千年蔭不

愛秋黃八月花

數仞宮墻一路深中雲交翠落清陰紅塵千丈知何在祇
引薰風養道心

蘭階清露

零露灑灑帶曉濃繞階晴霽轉先風雲仍對此琴三弄還
與宣尼古調同

九畝移來遍孔家芳叢時遣石闌遮故應天意隣香潔玉
露年年潤好花

桐井甘泉

千章嘉樹古梧森一窟寒泉碧甃深靜掃濃陰汲脩綆清
泠長是滌塵心

樹環嘉木桐陰合并列寒泉地窟通彩鳳九霄應有待道
源千古自無窮

海棠綴錦

長笑時人愛海棠芳姿何事近宮牆自緣要識春風面任
遣花神綴錦粧

綠烟初散錦霞空綽約仙人半醉中莫恠海棠顏色麗等
閑紅紫盡春風

萱草堆金

綠帶春深近北堂更看紅錦爛天香國風千古遺詩在對
此應知百慮忘

自是春風造化機織成錦翠爛相依細看一種生生意真

幸無言識者稀

松窓皓月

拂窓涼籟起秋聲綺席流光皓月明却憶鄒軻談夜氣此
時心迹已雙清

畫堂松月夜窓虛宴坐澄心一卷書莫道畫前元有易靜
中天理亦森如

竹塢涼風

半亩琅玕出短墻爇烟輕霧碧陰重開門淨掃蒼苔坐細
葉蕭蕭引好風

戴雨含烟一逕幽每從長夏數追游濃陰深處不知暑祇
覺涼風似水流

苔石疊翠

山骨移來帶鮮痕層巒疊嶂勢飛翻杏花壇裏三春雨疑是岩間一片雲

氣通霄漢潤通泉融結還從太古年數點青螺雲起處散為霖雨遍山川

花圃繁紅

煖雲無力趁東風小圃芳菲一徑通若問人間真太極便應携手看春紅

參天喬木聖公家應愛春風滿圃花還似濂溪窓外草一般生意浩無涯

古牆秀栢

曲阜城中天子墻墻頭老栢正蒼蒼托根終古同元氣未許抽材作棟梁
根蟠厚地幹參天環合宮庭回不記年遙想杏壇傳道日唯應此木見三千

方沼瑞蓮

珍重當年太極翁曾將道筆寫溝通孔門自是傳心者還向方池看夏紅
玉井空傳太華峯何如方沼看新紅燒培更有如船藕香萍都歸渾化中

行臺雜詠簡黃憲長暨諸憲僚二十首

行臺西接大明湖細柳新荷入畫圖海石風光今古意品

題殊覺少陵張

獨宿行臺暑氣清清吟已覺動高情令人苦憶黃詩伯肯
許連床聽雨聲

楊柳陰陰憲府深讀書因見聖賢心鍾期去後今千載誰
復人間是賞音

獵獵風蒲水滿塘輕陰微雨芰荷香偶來乘興觀時物徐
步芳洲趁晚涼

烟籠庭樹水侵階隱隱輕雷細雨來爽氣已添煩暑退好
懷千古一時開

綠柳紅蕖滿憲臺清渠碧沼斷塵埃城頭雨過天無際高
鳥孤雲自往來

菰蒲深處水禽鳴雨過林塘晚更清露滿碧荷看不定祇
疑仙掌萬珠明

行臺清書鳥聲閑影落高梧夏日寒且喜輕陰天際歛開
門咫尺見南山

水滿方塘蓋錦萍軟風高下颺蜻蜒清宵雨歇蛙聲急却
憶湖湘草色青

萬朵紅葵拆錦苞新粧相倚閑妖嬈道人獨愛傾陽意併
起丹心憶 聖朝

行臺直北是高城城外漢流面面清更擬濠梁尋勝事觀
魚後有昔人情

明時叨秩意何如祇向行臺讀古書自得自歌還自樂青

天白水看爲魚

四月行臺暑雨過方池無數長新荷貪觀物意歸來晚揚柳薰風到面多

瀟洒流年老鐵冠鬢毛雖白寸心丹天書重疊功
天寵
驄馬長鳴宇宙寬

耿耿江湖意不忘頻年草疏奏明光行臺夏日看時物景
愛葵花向太陽

憶捧天書別九天分符頻與歲時遷行臺幾度逢佳節五
月薰風入舜絃

夏雷挾雨急傾盆風色蒼蒼晚更昏清曉行臺看雙沼新
荷已沒舊波痕

泰山觸石雲初起六合茫茫一雨同試聽康衢應有頌調

和王燭
聖明功

繞屋葵花錦作圍畫墻墻外柳依依日長庭院遊絲靜乳
燕穿簾自在飛

萬頃平湖接憲臺紅蓮如錦錦為中開向當與客凌飛閣更
攬山川入壯懷

題趙雍畫馬
三首

逸氣稜稜不受羈蒼林磨痒立多時會應有待王良馭
電追風始見奇

白面驪駒汗血乾風鬃倚樹玉蹄攢誰人為制青絲絡騎
出橫門萬衆音

王馬王孫已入周，曾將絕藝寫騅騶。謾誇有子能傳業，不道東陵有故侯。

讀嶧山碑 李斯篆

六國平來四海家，相君當代擅不華。誰知頌德山頭石，却與他人戒後車。

重題臨朐行臺四柏二首

四柏移栽已二年，重來相對意留連。時人莫比甘棠樹，淺薄慙無惠化傳。

憲府重來柏漸高，良材元不因蓬蒿。還應老大驚人目，香葉團空有鳳巢。

重題膠州行臺二首

六年三接古膠東，兩見葵花五月紅。却憶端陽霑賜扇，曾陪鳩侶覩飛龍。
留題今是兩端陽，海氣仍飄五月涼。却愛名花當戶發，還將遠意采幽香。

四景為李通政賦

石橋流水自東西，綠樹連雲翠嶂低。却憶當年持憲節，扁舟曾泛武陵溪。

紅塵飛不到青山，宛轉橋通水閣寒。立盡夕陽橋上客，看山看水不知還。

木落霜清水不波，野人茅屋帶岩阿。幽林採得憐香露，坐對南山興最多。

竹林茅屋枕江臯
疊玉峰巒夾岸高
似是剡溪清興發
獨衝風雪泛輕舸

四景為張給事題

雲滿青山水滿溪
百花如錦草萋萋
少陵詩思知多少
到處嬌鶯恰恰啼

百尺清潭萬仞山
山圍水閣下虛寒
道人已自無焦火
况在山光水色間

無邊草木不禁霜
只有黃花晚更香
笑採黃花對美酒
南山咫尺興難忘

仙家樓觀鬱嵯峨
雪嶺冰溪眼底過
爐背探春春信早
詩情不必灞橋多

齋宿雜詠十首

高堂燈火夜相親
點檢詩書憶古人
自愧久持三尺法
生長保寸心春

霜竹風寒夜向深
燈前讀易見天心
京華又是逢長至
坐憶堯夫子半吟

再入霜臺持憲節
又承丹詔育菁莪
只今理寺通朝籍
倍覺天恩滾滾多

燈花靜夜結金蟲
爐火其如樹杪風
小閣有春應自省
此心期與萬人同

法從追陪二十年
寸心期不愧先賢
士師自是庭堅臧
尚憶虞廷詠勅天

馬蹄頻踏暮街塵
理寺歸來月色新
靜室有心空自省
忘言相對是何人

金門待漏三更月
玉陛趨朝五色雲
補袞即非禱散質

微誠長祝 聖明君

跡亦鶴行第幾班
朝回馬上看西山
雪崖水谷清如許

咫尺烟霞未可攀

待伴未消窓外雪
宜人偏愛竹間風
齋居已自心如洗
况與寒宵此景同

與寒宵此景同

都城鍾鼓夜深沉
棘寺燈前有空吟
不是少陵耽麗句
虛

臺元自發清音

題陳希夷園

白雲回首是三峯
宦坐蒼苔台畔正
懷人世紅塵渾斷絕
野花啼鳥自春風

題枯木竹石

野渚春容

荒溪野渚曲流通
蒼翠噴岫淋氣中
瀟灑一般春意思
紛紛紫艷高風

臨波春意

蒼玉生苔浸綠波
新篁老木散枝柯
徒勞人世歌招隱
淡蕩東風野興多

淡靄涼生

扁舟幾度泛湘波
老木疎篁翠石多
涼吹淡烟圖畫裏
遠

懷清絕奈秋何

蕭騷露重

山間昨夜雪三尺曉雲如拭天無痕惟得清聲滿入世石
林凍竹風翻翻

絕句三首

一室無塵靜有餘清風頻度小窓虛草編讀能心如水閑
看溥雲自捲舒

擾攘征途二十一年蕭蕭短髮賦歸田青山綠水都如舊得
失亦沉事落然

一知大道心無外始覺身閑樂有餘一卷陶詩千載興悔
名利役慵踈

絕句四首

踈懶經旬不出門炎風暑氣任昏昏飢餐渴飲披書卷高
卧閑思看白雲

憶昔曾遊海上山夏雲冬雪滿征鞍如今贏得身無事一
榻清風白晝閒

長江風起浪如山驛路紅塵幾往還三十年前回首處烟
簑依舊釣磯閑

年少爭名老可羞青山綠水去來休是非得失何須問已
是忘機伴白鷗

汾上春日一首

道邊桃李綠陰繁花落難招萬片魂只有清汾流不盡年

年長是繞孤村

汾水春流岸岸深
水村新綠滿春林
殘紅已逐東風盡
不道遊人負賞心

宿青橋驛聽江聲

青橋驛近黑龍江
江上灘聲暗入窓
高枕纔眠過夜半
驚迴旅夢正淙淙

草涼樓驛

翠華西幸駐山間
古閣乘涼動喜顏
何似長安歌舞地
鳳樓下尺更高寒

朝天驛

征驂行盡復南道
又上朝天驛畔舟
兩岸雲林青未了
嘉

陵南去水悠悠

盆池魚

浮游南北與西東
不出區區斗水中
何似臣鱗居大海
波涵天地浪搖風

泛川江有感

雙親未老我童年
曾泛岷江六月船
今日重來泛江水
我衰親沒淚潸然

夏夜宿龍爪驛

風樹颼颼雨不休
夜眠江館似深秋
夢回忽見窓前燭
驛吏催人又放舟

效竹枝歌 三首

錦官城東多水樓蜀姬酒濃消客愁醉來忘却家山道勸
君莫作錦城遊

江上小樓開戶多蜀儂解唱巴渝歌清江中夜月如畫發
頭賈客奈樂何

揚柳隴隴天欲明錦江夜雨江水生蓋船無數惡年少閑
上江樓看曉晴

却贈

有人情重贈尤多奈我中心義理何縱使盡添齊楚富一
身之外總為他

放船

野曠天低江面平放船東下好風清江天况值新晴霽雲

白山青望眼明

江行

兩岸好山看不盡一江烟水去無窮誰人為和滄浪曲興
在空濛杳靄中

平羌望峨眉山

峨眉畫出天邊秀青到平羌尚未休山月半輪懷李白扁
舟我亦下渝州

讀史二首

漢唐末事誰能鑑晉宋當年世所知猶有一編青史在悠
悠長使後人悲

東言來若用言難不用忠言亦等閑若信當時江統論定

無戎馬到長安

除夜

又逢除夜客西川銀燭金爐白髮前却憶去年京邸夜朝衣新試候朝天

蜀中元夕

京華西蜀兩元宵總去家山道路遙來歲乞歸逢此夕故鄉燈火涕塗簫

成都看梨花

錦城風煖不生塵開遍梨花萬樹春吹散綠雲簾盡捲廣寒宮裏有仙人

看木爪花

杏艷桃夭二月終好花難比木爪紅回頭總愧青青栢生怕林間一夜風

詠史

平吳四海盡為家內苑新添萬樹花抵喜羊車遊別院不堪軹道駕牛車

戲題則天鄉

無端險惡山川氣盡付當時武媚娘淫雪千年遺臭在至今人唾則天鄉

紀行口號

襄陽曾渡漢江水嶠家還尋漢水源自嘆苦無經濟畧道途何事往來煩

自朝天驛回京

去春舟發朝天驛，今夏朝天嶺上回。水陸朝天行已遍，朝天從此上金臺。

太常許卿送菜戲簡

為謝東隣許太常，嘉蔬頻送意難忘。呼童帶葉連根煮，咬得其中一味長。

摘送園蔬露未乾，蒸成新味帶鹹酸。幾回放筋詩腸飽，絕勝先生肯著盤。

空堂養病似齋居，喜送東園幾種蔬。喫此久無烹宰事，不須仍用遠庖厨。

白髮青袍老寺丞，卜居喜近太常鄉。故知氣味多相似，頻

送東園菜把青

菜出東園種種新，太卿相送意何親。生平自是甘清味，肉食能無愧古人。

園蔬新拔帶霜濃，爛煮香根放筋空。誰識其中有真味，不須苦羨紫駝峯。

自笑官貧氣尚豪，党姬休復論羊羔。卿家能送東園菜，清味還應厭老饕。

此色斯民不可有，此味廟堂不可無。顧我已非調燮手，先生相送意何如。

雅契名卿柰若何，嘉蔬頻送意尤多。生平味此無厭足，恐似當年喫菜魔。

京華交契似君稀
白首相看意不違
忽見名園送新菜
故鄉老圃倍思歸

徐州見黃河

吾家正在龍門下
流出黃河幾曲長
忽向徐州城外見
牽情一水正思鄉

燕子樓

嬌妾當時一女流
猶知守節度春秋
往來忘義忘仁者
莫上彭城燕子樓

戲馬臺

八千兵渡大江來
戲馬高臺亦壯哉
何事烏江驢不逝
高臺翻使後人哀

陵母首

鹿走中原海起塵
獨從草昧識真人
紛紛都是人間死
母死高名萬古新

呂梁洪

長洪幾折奔流急
亂石兩崖還疊重
被髮行遊渾不見
往來舟楫自匆匆

過淮陽有感而作

武皇側席正求賢
直道誰居汲黯前
何事不教留禁闥
淮陽高卧度流年

高郵露筋廟 二首

高郵女子志何堅
假宿寧論性命全
甘向荒陂死蚊豕
此

生元不愧蒼天
噴血其如利箭何
荒陵一夕死貞娥
從教筋骨當年露
得清名世不磨

渡江

儀真址上廿二年又上江南濟渡船清曉登艫望
鍾山彷彿翠雲連
京國

望南京

虎踞龍蟠入望邊
鍾山瑞靄翠相連
仰思 聖祖開洪業
定鼎宜過億萬年

題雙鷓圖

梅竹交青映栢枝
飛來雙鷓立多時
主人翁好無彈射有

吉口今渠日日知

太平明

句處清時候往還
太平門外好翻新
山開花野草應無
數惟 有青松最耐看

大理後庭竹林山色二首

孤山雨過翠成堆
竹裏清風作陣來
愛竹看山有真樂
高人遠矣憶追陪

閑愛簡簾靜愛山
清陰秀色座中看
著來漸得悠然趣
天際浮雲任往還

臨終口號

士林羊祜紙屏風
睡覺東窓日影紅
七十六年無一事
此

心惟覺性天通

青城分司暮春

漠漠楊花滿院飛
重來又見一春歸
去年記得停驂日
正
月庭前雪作圍

題松竹梅圖

翠竹青松共白梅
幾枝瀟灑出塵埃
長年自保風霜節
不
學春紅向暖開

濮州道中口號

歲月多從馬上過
勳名未立鬢先皤
風霜滿面誰能識
極
日蒼天一放歌

舟發辰溪岸

岸脚挿江深
洄潭搖石影
舟行若天游
妙處心獨領

靜夜

雨滴霜甚靜
燈明憲府涼
新詩吟謾好
誰復是知音

題墨蘭二首

已見光風轉
應知九畹深
殷勤采香潔
持慰美人心
既有充楚佩
還曾入孔琴
寄言采芳者
雲谷莫辭深

秋夜

泠泠碧空風
皎皎疎簾月
重門掩秋霜
素練擣寒雪

荒迳

曉行荒迳中
穰穰草上露
日出雲氣收
一鳥空中度
夜飲海昌宅

重門啟春夕燈燭霽餘輝醉我百壺酒留連夜未歸

早起

鷄鳴耿不寐展轉待明發童子看窓前猶言有殘月

早發

晨星耿孤色曉月餘清朗舟人解纜行夢覺渡聲響

野市

野市二三家柴門傍水斜溪上重責蒲筍歸路不辭賒

率成

舟過水無迹雲收天本清外物自紛擾吾心良獨明

敬軒薛先生文集卷之五

敬軒薛先生文集卷之六

門人關西張鼎校正編輯

律詩

送和司訓

秋色滿平陰秋聲處處砧離然對衰草別路繞疎林白日

青霄迥紅雲紫極深此行應得意早晚報佳音

夕雨遣懷六首

客居連市井積雨竟朝昏屋漏頻移榻泥深少出門聽風

侵座冷簷溜入宵繁賴有詩驅悶無勞問酒樽

秋來常苦雨風氣早生寒小鳥投林急高鴻下食難奔流

淹古道密霧隱前山試誦停雲句中懷獨未寬

連日對秋雨其如客思何泥塗寧出戶流潦欲成河生菌
并闌遍積苔墻角多無由訪知已遣興且吟哦
泥濘不可出茅齋靜坐時懷賢尋往傳課子誦新詩近悟
柔為勝深知巧是非兩聲雜涼吹蕭颯發清機
密雨洒如絲涼風散漫吹泥途殊汨沒茅舍久淋漓秋意
心先得虫聲耳獨知田家望收穫何日靜雲霓
小窓聽雨坐燈影照孤吟誰識無邊道元同不外心客襟
澄夜氣簷溜滴清音詩就無餘和悠悠思轉深

寄秉忠周司訓二首

良夜對床宿清晨送子行西郊雨新霽古道馬頻鳴執手
別時話揮鞭獨往情相思杳難極鴻雁帶秋聲

過我衙門下秋宵雨歇初繁星隨漢闕明月到窓虛別數
寧辭酒談多不厭書今朝遠相憶陡覺鬢毛疎

謾成

客裏經年久交遊日漸新名浮真自愧知少不生嗔大道
終非外微言然足真悠然無所競轉覺快心神

陳廣文見訪

愛客情何厚肩輿到所居樽醪携臘蟻盤錯間春魚雅意
忘年契高懷勝日雲劇談移永晷未健從歸途

挽江處士

處士好靜者放情丘壑間樽前流水遠窓外白雲閑孫子
詩書熟交親禮教寬百年今已矣涼月滿柯山

盧溝橋

沙水相蕩潏晴宵飛彩虹闌干臨極浦華表撼高風
西出秀祥雲 北闕濃南征從北發歸擬駐華驄

入湖南界

行尽中州地湖南境界初漸聞人語異更訝鳥音殊
溪谷多栽稻池塘盡養魚山村聊借宿風月夜堂虛

應山道中

萬壑嵐光滿曉騎馳馬行茂林交擁蓋備竹送前旌
到面溪風冷經心石澗清豺狼應遠迹狐鼠不須驚

晚至雲夢

雲夢行看近肩輿趁晚涼稻塍新穗吐蓮酒落紅香
蜜樹

隱茅屋無堤繫野航相基絕蕭洒交我得徜徉

發雲夢二首

鞍馬幾千里又登雲夢舟天圍平野闊水入大江流
咲傲傾樽蟻微茫聽棹謳往年懷七澤今日逐清遊
昔聞雲夢澤今泛楚人船地遠烟迷樹湖平浪拍天
南風清憲節北斗燭龍泉頻向中宵望武昌何處邊

大江逢霽景獨酌有作

舟行逢霽景逸興杳難群綠樹江邊影青天水底雲
衆山連復斷双舫合還分自酌金樽酒微吟到半醺

舟發城陵磯

急鼓催舟發依稀見岳陽遠波浮島嶼衆水合岷湘
竹瓦

居人閣於脾賈客房且看風景異未覺遠遊傷

辰溪曉泛 五首

沅水一千里辰溪又泛舟山雲合雨暗身世與天游已覺
雞聲遠惟聞櫓韻幽所經多險涉還似解離憂

湛湛江流碧層層石岸高巒謳催健艣瘴雨洒輕舸自最
水霜操寧辭旦夕勞五溪山萬疊何處是龍標

怪石双崖峻秋江一道平榜人皆異語岸鳥亦殊聲洞戶
編茅小壘舟刳木輕雖驚風土異重喜萬方清

蒼峽幾千尺天開萬古餘波穿石眼瘦舟壓水心虛歷歷
瞻奇秀悠悠想化初所希觀物妙難覓詔堯夫

自有烟霞分觀風任所之洞餘槃紉種江遠伏波祠秋老

芙蓉樹雲深薜荔絲欲知消遠思祇是詠新詩

舟發長沙 四首

曉溯湘江水微風漾碧波好山噴岸遠野燒入林多往哲

題詩處今予鼓棹過年來遊覽教天意遣吟哦

已覺長沙北猶瞻岳麓西天浮湘水閣樹入楚山低岸芷

餘香草業篁染舊啼昔賢遊覽地我亦為留題

長以城下驛解纜發扁舟水柵千家市沙村十里洲喜逢

晴霽景况值太平秋憲節叨光寵懷賢獨未休

十日長沙住登舟憶少陵花飛有底急酒美為誰傾浩浩

當年興悠悠此日名幸達 明盛世持斧故雨征

湘柳道中

湘鄉南去路連日是山行地僻溪潭綠冬和草樹榮野人
懸稻把山家以稻作餅食之成列旌旌異俗今如此歸當
話交生

思親

二親俱父逝孤子際明時緣悉風霜任深承雨露私光榮
寧及養幼育其何為願竭涓埃報焚香會有期

宿湘鄉道中山亭紀懷

又是山亭宿林岫夜香冥天臨南嶺近風入北窓清開卷
求心事傾壺蕩客情三親父辭世不寐思平生

沅州新正書景三首

楚南時節異正月似深春傍砌苔苗長臨池草色新江山

晴景難應院煖風頗坐惜梅花落題詩憶遠人

頰訝沅州地新正景不同遠山青草澤深院落梅風角角

弄巢鳥喧喧采蕊蜂春衣初試袂和氣滿簾櫳

楚地春來早羣花次第開輕黃舒柳線重碧染莓苔永日

香凝篆和風酒滿杯端居叨寵渥何以答涓埃

正月十三日夜書

兩日是无夕山城已試燈誰欺連夜發蕭鼓遍街鳴人喜

新風景時逢舊太平栢臺誰是伴梅月正交清

遣興

庭幽多樂趣向歇愛晴暉綠竹生孫早紅梅結子稀賦詩
新有起讀易漸知幾眼境何空闕省雲天際飛

曉上草閣

通宵雷雨驟曉霽試登樓百鳥聲相和
雙江漲合流寧知冀北客來按楚南州
將眼波濤急飄然欲放舟

喬口溯流往長沙

楚岫無邊翠湘流不盡清香風屈子賦
苦竹鷓鴣聲風景常年事雲霞萬古情
沙頭舊鷗鳥誰肯與春盟

武口守風四首

連日北風疾江岸拍岸鳴天垂平野月
浪颭近船燈湖與歸心同秋因客思清
不眠聽鼓角高枕念王程
武口叢祠下維舟幾日餘北風增駭浪
南客念歸途水遠浮三蜀烟濃惜五湖
江村秋雨裏津竟酒家壚

歸思方正切北風何太狂江村平隲見
樹遠微茫浪起魚龍伏天低鶴鶴翔
駘裘思更著秋雨見生涼
繫舟楊柳驛風雨苦連朝遠岸烟埋樹
茶打水沒橋年華身老大湖海興蕭條
天意何留滯應憐尚上國遙

舟中偶成

舟中如斗室坐卧覺心清閉戶嫌風冷
推蓬愛日明偶思前世事因見古人情
自顧知何益詩書浪得名

漢江曉泛

城下扁舟發江清宿霧消竹村迎岸出
粉蝶背人遙神女無消息明珠久寂寥
鹿門看漸近滿耳颯清颺

舟中遣悶

五日行不盡洞庭青草寬窮陰連旦夕密霧隱湖山詩思
雖難竭酒壺行復乾孤舟親愛遠何以暫為懽

近日收書漸多戲成

元凱真成癖收書日又多靜須頻檢閱忙不廢吟哦得意
欲誰語感懷聊自歌忘形到爾汝膠漆豈能過

武陵曉泛

今朝風日好來泛武陵溪碧水寒依岸蒼林遠護堤沙光
搖野馬人語散鳧鷖二月桃花發還應處處迷

院中遣興二首

為客知應久池塘夏景深圓荷高倚蓋新笋密成林山鳥
因時語陰虫應節吟乾坤知帝力自許一生心

片雨過山城空階物意清黃梅拾又落翠蘿踏還生幾許
催詩景無端望國情蠻方折事少烏府但橫經

夜坐偶書

夜夜燒官燭時時讀我書斗牛双古劍天地一迂儒郡邑
三苗外風霜兩歲餘江湖懷魏闕似覺鬢毛疎

舟中三首

來往雖云數應無愧此江觀書心見獨探櫓韻聞雙岸轉
山相掩湍奔石互撞裁詩清興發晏坐啓船窓
石底明皆見清波淡不流幾年烏府客一葉楚江舟求富
知為妄存心得自由所欣安履順未必歎淹留
好在黔中地相留過幾年岸經文嶺樹水宿夜灘船支枕

思前事清心憶往賢一陽者漸近五道故應旋

黔江曉泛

五月蠻江漲官船泛泛輕波光一道白山色兩邊青只有
耽書癖都無報國能中原有家室終日望歸程

詩禮堂為衍聖公賦

洙泗趨庭日相傳自世家三千惟有敬一語自無邪喬木
參天色倚蘭繞砌花遺風從此地化雨被無涯

崇恩堂 同前

赤芾趨朝日彤庭錫勞時宮壺露寵靈
應無紀深恩勉自持高堂書盛事行日
命服被恩私遺澤
八波聲詩

題泃水卷

秋色滿天地寸心若何行雲寧返迹逝水絕回波斷織
封蛛網殘篇掩蓼我空餘東嶺樹向夕受風多

題瞻雲卷

遊子久行役松楸空係情幾經秋草人長見白雲生水
暎空淡烟迷暮壠平鶴歸華表夜滄海月虛明

人日立春

人日逢春日韶華此又新暫歸持斧客猶是讀書人別
交游敬年深骨肉親昇平占霽景愛國賦詩頻

村居

喬木荒村古歸來遂所居人情安瓦落幾事識丹雘歲晚
霜橫野宵長月照書心田恐蕪茂不敢發耘鋤

讀書

俯仰千年道常看萬卷書髮毛兼黑白事業尚鉛朱庭雨
催寒早窓風度月虛撫時寧浪出慨想北溟魚

中秋夜諸生持酒至 二首

憲府乘驄入湖南仗斧游異鄉饒節序故里忽中秋白月
當空度明河入夜流諸生勞載酒堅坐看相酬
五見中秋節湘南想北州忽看今夜月忘却昔年愁汾水
通河漢龍門近斗牛霜鍾傳永夕高詠未能休

示弟瑋

大屋星霜久新年雨雪頻田園知己薄生計可忘勤喬木
宜思祖鷄豚莫愁鄰東室花繁樹應與歲俱春

聞張侍御陞大理卿復陞都御史

聞道張公子頻年被寵光一清廷尉法再肅百臺霜絕足
風雲闊高門歲月長所期宗令德江簡看垂芳

夏夜

蕭々涼景夕滿懷詩思生虫鳴新雨霽連連晚風清爽氣
浮天極鄉心對月明中州知久客歸興繞汾亭

挽吳孺人

高節知誰似終身不二天脩篁秋更綠老柏苦尤堅意切
和熊處心傷斷織前賢郎今有立繫詰亦負幽泉

直沽舟中

潮來兩岸平風順一帆輕海闊浮雲白天低野樹青又叨

持斧客非是棄繻生岱岳行者近秋高試一登

按部出濟南

雨歇西門道微涼草樹秋風雲連北極海岳接東州
聖世方全盛書生得壯遊頻年叨寵渥感激未能休

七夕宿郊城

郊子國中宿高堂蠟炬紅滿林鴛夜鵲繞砌響秋蛩遠意
知誰省長吟未許同去年當此夕京國見西風

發長清

清曉出南郭南行喜有山入林秋霧薄到面水風寒已覺
年華大還應宇宙寬幾回持憲節不改鐵為冠

盧主事具慶堂

盧子古名族幾年家大梁未為觀國士已作奉親堂喬木
侵層密芳花繞戶香春風長滿座永日但稱觴

登州抵福山道中 二首

岡嶺高還下荒村斷復連波濤風捲雪島嶼日生烟水圻
人間境春融世外天雲霞今古異何處有神仙

正是春光好重來海上行輕鷗聯影落旅鴈一行鳴徐市
三山掉安期萬古名只今俱泯沒惟見水雲平

潞河舟中

歲月忽如昨三年又此來水長通 御苑山近繞金臺
擬傳心學慙無濟世才永懷清不寐終夕望三台

舟中思親

三十年前事舟中忽有思老親遊宦日巴蜀泛江時青嶂
兩邊合黃猿萬樹垂只今行海岳恐自受 思私

滄州舟中

瀟漫滄州北舟行逆水遲連林秋柳瘦接翅晚鴉掃原野
波濤滅人家生理微端居對明燭深念莫相違

病齒

病齒經時久憂煩屢攪腸吟哦良覺廢誦讀總相妨志切
風雷益心懲噬嗑剛古柔無所苦因悟養生方

賜紗

理寺承 恩召宮紗被寵光紅酣昇海日濃染自天香省
德知輕重裁衣稱短長章身良自慙何以報 皇唐

賜扇

勅賜端陽扇雲霞五色花動搖煩暑退披拂好風斜法語
真堪畏湯銘恐未加勳兩函初書計身心蒙帝力留與子

孫誇

登南坡

雨霽陟岩峴涼風作陣飄目隨青嶂遠心與白雲高野草
連岡細家林百尺喬茫茫天宇內倦鳥已安巢

漢江源

巨峽自天闕峨峨嶓冢導迴環幽谷底清淺漢江源泉古
通元氣振深微后坤朝宗東去意應不廢晨昏

嘉陵泛江

淮漲嘉陵水沉沉石底明岸翻雲樹影谷響棹歌聲微於
南風細輕陰暮雨晴應難逢此景還愈遠遊情

嘉陵江雨

官舫泛嘉陵渾如一葉輕灘高駭浪急岸闊漫流停山木
無邊翠入烟幾處青棹歌高枕聽竟日雨冥冥

雨後宿嘉陵

夜宿嘉陵岸扁舟雨不休山雲迷澗壑林火射江流久坐
思王事難眠動旅愁所期氛祲掃走馬上神州

嘉陵喜晴

不堪逢背雨直打到天明午喜朝雲歛俄看旭日晴林分
千嶂秀山空一江清泛泛情何極舟人急櫓聲

錦城寓館八首

寓館富花竹書齋夏日長芭蕉紅錦秀槐子白花香樹密
寧知暑窓開但覺涼遠懷雖暫遣世慮未能忘

曲逕通幽處交陰翠竹高書齋成雅趣花園愜遊遨石甃
涵天影風林作海濤寧知城市內清境勝江皋

細雨過空庭纖纖草色青涼風生近戶淡靄散高冥林外
鶯聲急蒼前燕語輕錦城雖可樂終是念歸程

當戶海榴樹紛紛落絳英竹林新笋出石砌綠苔生小屋
知心靜繁花覺眼明少陵今遠矣誰與論詩情

偶居錦城館還似浣花堂雨過青苔潤風來翠簾涼竹鳴
瀟灑韻花送自然香清興雖無盡鄉心未可忘

紅芳經雨重翠竹引風多生意每如此天心柰樂何一杯
吾自勸隔戶鳥當歌忽起鄉關念條山繞大河
清晨坐書閣初日照花林宿露泣庭竹晴天轉野禽心無
一念雜空絕半塵侵道理無邊在悠然思轉深
閑坐竹林內風來見簾飄輕烟晴冉冉涼氣晚蕭蕭易古
還宗邵書刪却自堯莫憐耽典籍清景美相調

有感 五首

火發木將燬姦生理自危洞觀千古事深合一時為往事
既如此來踪可更追亦心徒自省吾道欲何之
誰使三苗叛深勞王者師操兵諸將勇轉粟萬人疲行見
投戈日還看奏凱時犬狼何足道雨露本無私

錦里南天外中原北斗邊乘軺節遠戀闕寸心懸鴈塞
妖當掃龍沙 駕已旋忠臣扶社稷快看祖生鞭
庶官務剝削不念遠人窮况復羽書急時無饋餉供探兵
林莽密轉粟水山重指日妖氛掃車書四海同
禁闥知無補江山敢憚勞運糧民力困討賊將心驕圍解
人飢死蛮窮縣劫燒貪官能致亂選牧豎 天朝

錦城館雜題 十三首

竹

誰種庭前竹蕭森數十竿高簷晴落翠虛室書生寒尚喜
風前聽陰宜月下看莫言家在遠長得報平安

榴

細葉枝枝翠嬌美
盈盈紅愛看房有實
不信色為空
迎夏葵爭發
傾陽意略同
因之思漢武
花滿近郊濃

芭蕉

弱植亭亭立
新枝漸漸開
自能承雨露
元不愧塵埃
葉豔抽紅錦
陰長落翠苔
新詩題滿葉
秋意莫先來

木瓜

牕外有奇樹
木瓜枝相交
幸自少酸味
何由動老饕
香氣頗幽馥
鳥聲恒寂寥
莫為相好贈
却恐報瓊瑤

椶櫚

小圃高椶樹
亭亭迥出雲
近身皮盡古
頂葉纒分枝
直鍾元氣根
多厚坤辛
蒸無剝削
長存

笋

為是根延蔓
因知笋易生
破苔錐快利
穿砌角崢嶸
解龍蛇稍翻
翡翠翎
漸應為勁節
行復上青冥

柘子

柘子湖湖見
重者在錦城
花如梅蕊淡
香比木犀清
會取風霜實
還添藥餌名
莫嫌滋味苦
利益似忠誠

木犀 即丹桂也

愛此木犀樹
青青長近階
每承朝露重
長引夏風來
嘉卉應難得
高人喜賸栽
不知歸去日
還得見花開

盆池

圓盆為池底
方石為池鉉
貯水無多子
涵光亦有焉
影隨

庭下樹雲度鏡中天好似人心靜森然萬象全

雙栢

北山多古栢此地少為奇並長庭階下雙承雨露滋真心
惟我共苦意只天知清影尤宜夏時來一翫之

草

密密庭前草纖纖每易生細搖風葉軟微綴露華明生意
知無間乾坤大有情不除思茂叔心與共欣榮

花臺

臺累層層級花開種種香雨過苔色淨風動樹陰涼高下
當虛牖依稀近小堂讀書頻對此端端滿意何長

竹徑

竹徑通書室行來宛轉深舉頭交翠葉步履踏清陰舊掃
頻飄地新篁亂滿林好風涼不斷洒洒滌塵襟

竹下四首

翠擁如雲竹門開一徑深成林常少日接葉自多陰山鳥
時聞轉風蟬忽聽吟把書閑讀處涼籟覺心清

愛此竹林僻千竿翠葉交濕衣清露重到面好風飄旋解
龍鱗籜新抽鳳尾梢逕幽仍宛轉聊此慰逍遙

夜雨朝來霽閑從竹下行尚餘零露濕倍有好風生凌亂
陰還厚飄蕭韻自清獨高君子節長結歲寒盟

積雨苔長潤生風竹自涼誰開延客筵舊作讀書堂魚躍
盆池水花傳瓮牖香清心時宴坐遠意到羲皇

有悶二首

盛夏不興師如何動鼓鼙詎數今已遠來格亦何遲火嶺
安營苦炎荒轉粟疲會應霖雨降早見洗兵時
五月北風多聲來撼遠柯飄蕭今已甚震蕩復如何昧昧
思嘗膽紛紛謾擁戈唐時洗兵馬誰為挽天河

遣懷

如何三月外猶未得家書為少南來鴈因稀北上魚謾叨
新使節祇想舊田廬旦夕聞消息中懷暫一舒

聞道四首

聞道征南將長驅十萬兵天威除孽貳宿掃挽搶路開
烟塵息城開子女迎還當布恩信長見八蠻清

大將總率師三曲勢已衰重圍方解日搜路漸通時荒破
宜興復瘡痍在保綏安邊有長策夷夏樂雍熙

兵勢如破竹長驅其建瓴已應搖裡道還見鬼方清恩信
更須布干戈可暫停但令疆圉靜休慕簡編青

苗頑從古肯醜類近尤乖月暈城遭困路不開王師
天上降虎將日邊來一掃空荒靜從容奏凱迴

五丁峽

巨壑二千里天開幾萬年泉飛林杪雨雲合管中天一水
橋橫度層崖石亂懸梁州舊典跡謬矣五丁傳

入徐州境

春首及徐方行來道路長殘水餘積水霽雪帶運岡遠野

通淮句懸流近呂梁征鞍行可解不日上舟船

古滕州城

纔過占滕國還瞻舊薛城分封遺壞堞列爵但虛名舟舟
春烟淡悠悠野水清望中今古意信馬獨含情

高郵阻雪河水

淮海連朝雪官河一夜水如橋千里直鯨浪兩堤平履薄
應難渡赤膠不可行會道橋成日波軟片帆輕

登五城驛樓

驛樓清望遠漫漫野湖平雪樹迷村白沙鷗泛水明春烟
浮近市午日照高城何似船依岸台榭出香冥

金陵官舍

宛轉橋通水似稀屋近城池塘經雨濁脾睨映天青檻柳
回春色園禽尚變曉聲官居能有此聊可豁高情

江道士過碧軒

飛閣環流水層軒面面開虛澄涵倒影淨碧絕浮埃鏡裏
閑雲度潭心爽氣來道人能有此還似小蓬萊

螢

知爾景微細長因府內草生柳邊添箇箇竹裏亂星星歲月
猶時序乾坤見物情莫言光耀少還是黑山明

樵雲野老

自得山中趣都忘世上名閑尋肥遯侶共作斫雲行失失
溪流響丁丁谷應聲偶然值漁者問者有深情

睡起偶題

睡起涼風入空庭，過雨餘殘竿。恣外竹數卷，茶頭書欲淡。
心無競官閑樂自如，老知安所寓不復更區區。

揚尚書邀飲

好客揚司寇，招邀酒屢傾。四筵羅綺食，滿空列豪英。壺矢
投何急，觥觴亂不停。猶言情未盡，別上水心亭。

送俞侍郎歸江南

官僚新寵數，藻鑑益光輝。正擬承恩大，俄看賜告歸。征帆
千里發，旅鴈一行飛。勿藥應添喜，重來變袞衣。

將歸山西筵贈陳廣文三十韻

八月中州地，秋光動客懷。氣清行少昊，令肅掩恢台。何老

蟬俱寂，葭黃鴈正來。寒流澄靜碧，晚岫枝崔嵬。紅熟風林
束，青生雨砌苔。候虫聲唧唧，砧杵韻喧喧。上下機衡轉，西
南斗柄迴。憶從朝鳳閣，使尔別金臺。乘往家山道，留連索
水隈。古情吟楚漢，高義得陳雷。晏和鏗辭韻，頻傾激灑杯。
未窮詩酒興，俄勸蓼莪哀。荏苒逾三載，栖遲愧寸才。聊為
萍水別，近擬故山回。秋意方如此，交情每快哉。應同楚地
摘，濕比傅岩梅。晚節看松桂，殊芳異草萊。故應憐撲漱，深
是重竒瑰。意得寧煩語，心通不假媒。素懷期以率，信意絕
嫌猜。白璧寧容垢，青銅未可埃。我行方浩蕩，君意莫徘徊。
砥柱洪河坏，金天華岳開。驛亭頻莫柳，郵舍幾陳麥。汾水
秋浮浪，孤山晚作堆。兒童應項領，父老想樽罍。原柄心先

折庭梧子自栽吳天恩因極風木意難裁未遂林鳥報頌
驚隴鶴催還當訪知己鳴佩觀天階

曉登沅州北山頂

嵐靄氤氳重溪行咫尺迷漸登巔嶺上始覺衆山低遠近
天無際參差樹不齊川雲互似海石磴峻如梯日出寒烟
外風生碧澗倪異禽和露宿快馬度空嶺遠目回三蜀高
樓遍五溪歸朝誇勝饜沅水有新題

戲題紅白二梅花落

簷外双梅樹庭前昨夜風新英蕪舊蕊隨粉間飄紅已見
苔成錦方疑色是空恁娥初點額舞女欲迷蹤雨重胭脂
濕沈香瑞雪融不知何處笛併起一幷中

廿四日

天地開明運風雲各有人道回千古泰氣統一元春合樂
來儀鳳編詩詠瑞麟祀祐求偉器瑚璉重奇珍竊抱風霜
志榮瞻日月新繆膺三鳳薛敢比八龍苟早歲心雖壯中
年學未醇上書帝賈誼著論過嬴秦跡忝鰲頭客官為身
角臣憶從簪白筆寧敢愧蒼昊持節南荒外懸旌北海濱
幾看星轉斗頻見月飛輪疾惡寧留枉存心但有仁股肱
恢漢道耳目廣虞詢沅澧時清歲衡巫景晏辰驕陽嗟又
六膏澤仰惟均使者應無色官曹想未循黎元疲賦畝丕
覲走村隣俯側息群志安榮愧此身靈幽寧可必哀曲謾
潛陳帝德深涵物天心遠愛民化機回頭刻沛澤匪群倫

婦子皆宜室兒童總孝親甄陶歸廣大笑語極詳諄已十
年皆有還應俗盡流廷羸躄壽域夷嶽變儒紳沴氣全知
歇休微屢覺臻商羊方罷舞尺蠖會求神魚目難容偽明
珠賴倚真積茂終曠日志喜不逾旬野遍秋前綠徬洎霽
後塵亨豐原有數貞勝豈無因刑俗猶欽鬼黜靈早降神
華風人共靡大道子能遵時與難稱實佳章枉見申功因
章貢士積學比大田酌物備應知富神充不累貧詞華兼問
晉風雅獨傳幽有顧心如雜和期德在純從容江漢日行
見起書論

寄司判字原德 三十韻

磊落青雲士龍門憶共遊薰葭汾水暮松桂禹宮秋架石

千尋閣盤空百尺樓兩山開翠嶽萬里滾黃流弱水崑崙
外扶桑滄海頭山川窮壯觀物理入冥搜勝地杯同酌清
心道共謀真傳推舜禹正學拱軒丘每苦紛紛論誰能坦
坦由瀛伊勞績述閩建得尋抽自此陽光發還應燭火收
劇談憐繾綣良覲展綢繆日月開皇極風雲會帝州一官
陪舊侶三俊話前脩待漏金門闕趨朝紫氣浮方期聯彩
鳳又見促鳴騶盛典旁求遠 天書寵渥稠遷喬登粉署
持節騁華轡火改時頌易杓移斗屢周緘書知習坎申意
見中孚理大天無外毛輕德可儔謬推追電足深仰溯源
舟一別三年久重來數日留玉瓶携綠蟻珠唾雜銀鈎又
見逢離索那能足倡酬清霜京邸月踈柳禁城溝遠意煩

深念高文可更求士希賢作聖道仰魯傳鄭歲月雖三邁
詩書敢自休論心殊未悉短札暫相投

喜雪有序

正統四年十一月十六日子出按所部時不雨者
殆兩月矣麥雖出土而根苗浮露遊塵遍野土脉
不能疑潤將無以為來歲發生之機所過居氓行
商以及部屬之吏咸戚然有憂色予亦同其憂而
時攬鞍攬轡閉閣不忘於道途之間是月二十六
日抵東昌之博平大風連日天微有陰色予意以
為將雪之徵二十九日早發博平風止雲合雪遂
作中途雪大作至清平連三日夜雪乃止瀾漫千

里皓然一色由是民吏釋然大悅相賀以豐年之
兆灼灼可驗予亦喜不能已遂賦律詩三十韻以
紀其事是冬十二月朔日書

憶辭歷下日正值仲冬天衢路開晴色城闌散曉烟地連
滄海外山繞岱宗前五節知頗握鉛刀每學鑄行行周郡
邑納納大神乾戀國心如結憂民志自堅風威連月甚雨
雪平冬愆細麥浮乾壤游塵滿大田根芽思潤澤翕合望
開旋行旅心相語居民慮共煎怪陰嗟甚矣生理卜終焉
謬忝觀風客深期閔雨賢心搖金匱匝念切錦鞍驚悵望
雲霞靜驅馳路道偏行臺時徒倚小邑重流連竟夕寒颼
作侵晨凍靄懸自天來素節匝地結水泉平野迷霜蹟遙

山從白巖影窺瑤水鶴人舞桂宮仙庭宿欺寒色林花開
曉妍八荒開空潔萬象失蒼玄肅肅氛埃歇飄飄沍氣消
已應消騰藎重賈伏螾蟻節轉和平候特占大有年玄功
歸紫極上瑞繼青編未紀雙莖異雲歌五色鮮鳳麟來曠
邈龜馬出淪漣盛事宜方駕貞符足並肩腐儒叨際遇
帝力荷陶埏雅頌知非職歌謠竊自傳

古人作雪詩禁用體物予詩中於柳絮梨花如銀
似玉之類皆置不用亦古人之遺意歟

送王秀才

歷下山川秀高亭古製存朱闌環碧沼綺席擁金樽李杜
來賓客機雲列弟目清言鳴佩玉雅奏雜荒墳自昔稱名

勝于今數大藩雲烟通海島峯嶺接天門正是霜空肅那
堪葉落繁高城連粉堞周道駐華軒良會今如此高情可
更論芝蘭爭奕華鴻鴈各飛翻天上歸寧後還來叙昨歡

曉出東平州十韻

憲節凌秋發城門逼曉問講長流水去野曠遠風來跋馬
橋頻度看山客幾回川原行未已齊魯望慙哉漠檢天門
石漢封碑秦驛海岸臺秦刻淡烟橫曲阜旭日上蓬萊遺
蹟懷前古觀風慰好懷衢樽湏共飲井稅不煩催每見祭
麻野深期把梓材行歌方自得前陟更崔嵬

晚徐憲使三十韻

梁園春寂寞共嘆陪人凋自是鍾神秀原應降岳喬勅書

當早歲窮易每通宵遠念章編絕嗜觀法象昭敷從環內
起心向畫前超甲子開文運寅正建斗杓豹斑深積霧
翼快扶搖海內特名大關中教澤饒方看來鶴雀行復降
星輶地切神仙府人瞻玉雪標旋應陪馭鶴長是綴班貂
啓沃師甘尹開凍仰如妍緝熙惟 德誠孝每三朝
龍衣登宸極離明器遠宵周旋禮盛禮寵教冠群僚又見
橫英蕩遙知格有苗霜臺俄拜命駟馬嬰揚鏤路出荆門
險封連晉水遙情非鷹隼好必與鳳鸞要政苗民無後風
清吏不譎所邦懷信德千史宇新條魏關心仍結編行首
爰起人則黃髮在鄉有白雲飄外郡懸空劇孫魂去不招
野棠深羨空室栢自蕭蕭別郡懸空劇孫魂去不招

高爰業馬醫鬱懣客憶曾遊寺人憐舊度橋儀刑傳父
老名姓到漁樵事業歸良史豐碑閱伯高

酬李吏部韻

祇是尋章句何曾學聖賢寸心徒炯若兩鬢已蒼然汎汎
應難及區區只自專妙非探月窟蒙有玩山泉希復勤晨
誦多應懶晝眠蕈涼紋似水燈寂帳如烟正起端烏帽似
送錦箋騰空蛟勢矯出海蚌珠鮮迹作淹群籍吟哦盡
一篇卦看脩省震天悟性情乾便擬師兼良誰勞說又玄
茅心知我塞水智羨君圓德業勤磨玉功名慎着鞭沉潛
知理奧明炳識幾先自是中情固寧教外物遷晴窓看野
馬碧漢仰飛鳶欲識無邊道須知不外天味深玄酒酌聲

淡伯才經佳士宜紹蕙高人獨愛蓮化機寧有息雅興自
無邊寶噴須金飾美家有豹緣翔翺還接翼出入最羞眉
肺腑真傾瀉詩書已貫穿天官留藻鑑匠氏備采椽規矩
誠則定方圓自不愆門清真似水道直更如弦幹有千尋
鑽金更百鍊堅但救孤節茂羸取大名全自愧方知學深
思未可權交情殊滾滾高論竟連連尚覺中懷勞難勝外
慮牽何時除舊習但日竊陳編大意全無見幾微總未研
真誠誇末學寧敢接先傳浩蕩乾坤大推遷歲月延海波
應潭潭異越絕夢消消有蘊川光媚深藏寶氣纏珠璣寧買
檀魚得可六空舊業芳鎖仰新知可棄斯文終古在共
觀日星懸

敬軒薛先生文集卷之六

敬軒薛先生文集卷之七

門人關西張鼎校正編輯

律詩

簡揚景端

我到城中已五日子在山間不一來應畏風寒歷冰雪想
憂澗滑行莓苔石泉繞戶只自語柴門竟日因誰開姑射
今朝好晴色相期握手登崔嵬

留贈揚景端二首

千里歸來訪故人喜聞結屋澗之濱手披青史尋高士頭
戴烏巾學隱倫樽酒細傾延好客斑衣輕舞奉慈親自慙
東抹西塗手又促行珂觀紫宸

祇聞騰路上亨衢何事竹林又卜居谷口引泉者灌溉隴
頭植杖勸耕鋤還同主婦供親膳更課兒童讀古書莫向
家山窮此樂好將功業替唐虞

簡孔別駕遊禹門用謝太守韻 二首

別駕乘春訪勝遊禹門佳處重遲留兩邊翠壁連天起三
級銀河入海流變化豈無神異物往來應有濟川舟遙
明德人知否地闢天成幾萬秋

雙旌曾向禹門遊別駕今來亦暫留岸斷雲霞開翠壁天
連棧閣駕黃流千金尚想波心吼萬斛深期渡口舟如此
山川元不惡可無詩句記春秋

夕至二首

九野蒼蒼闕太陰重淵府動天心庖犧易有千年書康
節詩存手夜吟忽向靜中聞號却從無處見森固知
一氣向曾息祇是天根辯古今

萬古天開只此時却憐春意正如絲群生已向無中見一
氣還從靜處移匝地寒風徒凜凜行天化日漸遲遲吾心
欲說知何似靜裏仍含未動機

讀文山傳 三首

朔氣蕭森歲向深揮戈收淚動衣吟艱危已竭回天力慷
慨猶存捧日心海水尋常秋月冷塞雲千里暮星沉悠悠
往事都如夢只有孤忠照古今
丞相聲名二百年分明往事在遺編初離故國悲禾黍再

立危邦慘杜鵑大勢已傾寧畏死孤忠自許敢求全當時
桃李知何限回首春風盡落然
氛祲冥冥暗海波英雄無地用干戈精忠在我當如此成
敗由天柰若何渺渺蒼梧西日淡蕭蕭大地北風多睢陽
錦里皆祠廟丞相勛名共不磨

登南坡

土阜層層自有萬盤偶來高頂望人寰滿川宿麥浮青浪一
帶晴嵐列翠鬟何處雲霞迷磧石數村桑柘繞綿山唐風
晉問憑誰說地闊天高鴈影閑

春日懷劉會憲三首

千里關河歸故里兩年風景憶虛菴鄴中白雪知誰和爨

下清琴想自諳君擁霜臺名未已我傷風木意難堪近來
幾欲裁書寄春鴈其如不向南

南望中州有所思山川回首歲華移早春京索街杯處晚
歲嶠函駐馬時月滿覃懷陪款話霜清河朔寄新詩舊遊
一一成追憶此後相逢更有期

虛菴事業久龍磨憲府乘駝歲月多已見風霜清郡邑况
聞詞賦動關河幾回邂逅情依舊兩載相思意若何自古
中州多勝迹擬從飛蓋盡經過

重登故鎮寺樓

重來故鎮已三秋又上招提百尺樓山遶飛甍浮翠黛
遮遠目斷黃流迴溪俯瞰鄰鄰玉喬木深藏曲曲丘莫謂

此時窮勝既還期汗漫九垓遊

紀先人舊遊 三首

樹已成林麥滿郊春風春雨自飄蕭孤雲出岫飛還逐衆鳥歸林肅且招俯仰空驚天地在低迷深覺歲華遙旧遊山水俱成感拔淚思親首屢搔

陰陰夏木繞茅廬曾是先人舊寓居梁土又來前度燕篴中空有昔年書聲音尚想當窓發杖履猶疑隔戶趨五內此時摧裂甚詩成滿紙淚如珠

我願庭椿過百齡寧知奄忽便摧零舊遊山水皆悲思昔住園廬及慘情菽水有懽成昨夢衣冠無計覩平生孫兒指點經行處清淚如泉散漫傾

雨中簡周秉忠 三首

獨抱離憂惡酒樽受者連日雨傾盆庭除汨汨深流潦几硯層層潤積痕往事一編聊自詫永懷千古向誰論先生最是知音者咫尺何由一扣門

兩耳蕭蕭怯雨聲三更起坐到天明小儒自合通宵濕大厦何由不日成傾瀉只疑天漢竭奔流深恐地維傾會須禹里清風至盡掃雲陰放曉晴

客居長日少人過况復經旬積雨多自憂窓前生綠草不妨門外注銀河頑雲礙日能為沴流潦因風解起波為問郡庠周博士此時官况定如何

贈海昌李太守 四首

客裏終天痛有餘感君相慰意難舒細論往日交情厚却
訝連年音問疎肝膽舊者如古鑑詩篇今覩勝明珠暫時
相見還相別况是關河鴈過初

我在中州君在吳幾年寒落鴈書無每思謝氏登山履長
憶黃公賣酒壚忽共青燈談肺腑細看白雪點頭願英雄
不減當時壯耿耿秋空劍氣孤

古今身世共茫茫出處無端總是常才俊從來推賈誼功
名未必老馮唐幾看上谷秋鴻影忽對中州夜月光
聖代只今登俊彥豈容江海久徜徉

中州風景正凄清忽與交親話舊情往日襟懷常浩蕩昔
年豪傑漸飄零一渠汴水涵秋碧萬仞嵩山露曉青勝地

相逢應不偶好將佳句詠吳

簡拙吏英府幕

聞道徵租日正忙暫移行幕駐僧房紅蓮泛水浮朝彩綠
鬪搖風引夕涼公暇不妨尋好句講時端復姓名香好將
寬政安黎庶留取功名汗簡光

雪後寄楊景端

雪白山青北望高相思咫尺輿滔滔若人未必傷沉鬱吾
道何須嘆寂寥家書盡費文章鳴治世真憂事業擬清朝村居
不識揚夫子懶慢何心作解嘲

讀許魯齋思親詩并序

洪熙元年冬十二月余扶先人柩至覃懷宣德元

年春正月啓先母寔合附于份陰先塋既卒事因
檢元青讀至魯齋先生七月望日思親詩乃悽然
有感潛然淚下遂次其韻得詩三首因書先生詩
于前以見先賢誠孝之心溢于言表雖百載之下
讀之猶足使人興起復書余詩于後以見余不仁
不孝不能竭力于始終視前賢大節有愧云
思却千思與萬思音容無復見當時草窓夜靜燈前教蔬
圃春深膝下嬉將謂百年供色養豈期一日便生離泰山
為礪終磨滅此恨綿綿未易衰

次韻三首

觸目家山總是思思親况遇早春時日長每聽詩書訓風

暖頻隨杖履嬉百載韶華成荏苒終天涕淚感睽離自緣
孤子無誠孝不是人生有盛衰

風光滿目動哀思春草春花似舊時堂介已成終古恨斑
斕不復往時嬉中宵祇解追前夢隔歲猶如在遠離却憶
高堂覽明鏡曾將華髮嘆年衰

彷彿音容彷彿思衣冠出入憶當時成人未返林鳥哺稚
子曾騎竹馬嬉椿老暮庭風撼撼草蒸春塚雨離離固知
罔極思難報只恐終天孝易衰

曲沃道中二首

孟秋兩霽過新田綠樹人家斷復連汾澮波光晴泛日絳
喬山色曉參天申生大孝留天地里克遺名載簡編何事

齊姜墳上草忍將芳意度流年

四圍山抱一川平新晉猶傳舊日名汾陽張洎秋色淡虎
祁宮老夕陽明歌傳烏鳥空遺恨詩賦椒聊謾有情往事
無端何足問且聽父老說秋成

滎陽詠古八首

京索千年能戰塵空將往事問居民山川遠近皆陳迹道
路東西是要津黃屋幾回思義士赤精終占有真人拔山
舉鼎知何似馬到烏江感慨頻

萬山依舊接嵩丘京索于今不斷流莊段是非留隧道項
劉成敗有鴻溝古槐樹歷歲時久大海寺經風雨秋更上
高原訪遺跡荒城故壘暮雲稠

日迥天高秋氣清登臨懷古倍多情山連廣武故城在路
入鴻溝草樹平甬道年深無舊迹素流岌岌只新聲興亡
莫道皆如夢終古猶存楚漢名

楚漢干戈久已休尚有遺迹在中州幾灣流水風烟暮一
片荒城草樹秋力戰可堪離廣武分疆空見指鴻溝當時
四百興劉計只在張良一運籌

蕭蕭涼吹動秋空千古河山一望中廣武連營秋草碧鴻
溝分壤夕陽紅石麟有甲令蒼鮮鉄馬無聲散曉風何限
英豪俱泯滅白雲依舊出層峯

陵谷高低控虎牢戰聲消息水滔滔旌旗滿眼無遺迹壁
壘連雲只舊壕廣武西原通鞏洛萬山南面接嵩高悠悠

往事皆如此懷古登臨何太勞
棗陽景物似當時不見唐朝老畫師
隧道茫茫今已失京城太叔果何為
留侯計用炎光振亞父身亡霸業衰
多必是非成往鑑莫將遺事使人悲
岡巒回合一川平澗壑高低繞故城
千古好山寧改色滿溪流水不停聲
留侯總得翕張術漢祖深存駕馭情
更莫登高發長嘯當時豪傑已成冬

題沈令送別卷

雙鳧縹緲上青霄令尹朝天不憚遙
密縣于今思卓茂淮南自昔想時苗
玉階仗引龍旂合寶殿香浮雉翥高
鴻鴈近秋多健翮佳章早慰此心勞

西郊耨耒二首

為農每務寬平地已向中州住七十
莫道功名當早歲且看黍黍熟秋天
蕭蕭滿地收霜穗登登成稌積晚烟
濁酒一壺勞僮僕素餐深恐愧前賢

西原秋氣早生涼未黍離離被隴黃
獲處風烟輕捲席積來鴈鷺整分行
大田已見多遺穗客廩應知足贖糶
莫嘆書生親耨耨躬耕有客卧南陽

酬黃養正韻

翰苑香名久已聞荆門秋晚又逢君
孤城木落重吟月旅館風來鴈映雲
眼底江山期共賦馬頭岐路惜重分
遠西不久留才子昭代如今正右文

經王京亭舊居

野浦荒村訪舊居，鳥啼花落碧窓虛。蕪園不復栽紅藥，閑館曾經看素書。對酒每懷陶靖節，論文長笑馬相如。自從鷓鴣因風去，水色山光思有餘。

經玉田挽待詔魯仲輝

孤獨山前兩度過，過懷人搔首重悲歌。文章事業今如此，別鶴行雲竟若何。渺渺夕陽鄉樹遠，萋萋芳草旅封多。人間俯仰堪惆悵，不必臨流嘆逝波。

都城即事

曉曉日上邊，乘縹緲祥雲擁。赤階旌旆風，搖龍虎動籥。韶聲奏鳳凰，來九衢。車馬香塵入，口萬戶笙歌曙。色開千古

上游形勝地，兩都欲賦愧非才

過苑仲仁莊居

爽氣澄清暑雨餘，乘閑信馬到村居。桑麻影裏元卿逕，楊柳陰中靖節廬。縱飲百壺賢聖酒，劇談千古帝王書。蘇邊黃菊頗多種，九日還來一訪渠。

無題四首

逸思飄然賦遠遊，可堪三島隔瀛州。曾聞神女雲霞侵，異見說麻姑雪滿頭。海上樓臺常似畫，山中岳草不知秋。若為借得仙家鶴，嗚珮珊珊玩九州。

桂館瓊扉薛荔牆，清脩獨尔意難忘。已將蘭芷為芳籍，更集芙蓉製錦裳。洛浦佳人鳥佩玉，茂陵才子詠鸞凰。應須

一盃仙家酒散作人間雨露香
風滿珠簾月滿樓瑤臺有路可追遊
香生寶鴨沉烟細露滴銀床
玉宇秋楚岫三更雲渺渺藍橋
千里浪悠悠花箋寫就煩青鳥
更為殷勤到十洲
絕世青娥二八餘仙容綽約好
棲居數人夜織綃為被雲
女秋裁錦作裾碧海蘭若葉
翡翠瑤池清水泛芙蓉秋應
待得吹簫伴共跨飛鸞躡太虛

題舊石橋

古橋欲側岸縈迴立馬臨流一
愴懷鯨鯢水沉沙底石蛟
螭碑時雨中苔闌干幾出人
頓情華表千年鶴再來擾擾
勞生只如此好將襟抱

宿水村二首

日暮江頭送客還
秋寒清夜不成歡
連天海氣當窓白
一枕江風入夢寒
雞鳴遠村皆落日
潮生古渡已層瀾
披衣久坐待明發
白石歌餘興未闌
投宿江村日已昏
村童還為啟柴門
壺觴欲醉黃公酒
鱸膾深慙漂母飧
夜雪生香蘆被煖
晚烟添綠土床温
清宵總是滄波趣
莫向人寰取次論

春日遣興

鶯鶯春雲度女牆
萋萋春草遍芳塘
園林風景非吾土
庭館鶯花是異鄉
野岸波紋浮鴨綠
官橋柳色弄鵝黃
不知多少相思意
祇逐遊絲百尺長

秋日寄王嘉禧

漁陽秋色動關河，澄市天晴一鴈過。
白社高人渾懶慢，青檀學士又蹉跎。
西風對酒砧聲切，良夜調琴月影多。
疎重遠書勞問訊，相思千里奈情何。

九日次徐懷玉韻

對酒東籬自詠詩，遠山晴迥轉逶迤。
秋容淡薄黃花節，風景蕭條白鴈時。
醉閱人寰聊縱目，靜思塵事久支頤。
年年此日無窮意，咲把茱萸欲贈誰。

寄題魏隱居

芳草柴門少客過，日長清隱定如何。
一瓢道比顏生樂，千首詩同杜甫多。
棲葉亂蟬晴轉急，隔林幽鳥晚當歌。
絕憐

垂白蟠溪老，猶整綸竿釣碧波。

七夕憶去年與陳上舍飲

挽涼庭館秋初筵，同醉西風又一年。
星漢已成人世阻，僂槎應到鵲橋邊。
鳳簫聲遠頻驚鳥，蟋蟀魄秋高幾上弦。
自咲生涯還似拙，不勞瓜果乞青天。

對雨

蒼蒼雲氣起蓬萊，凍雨朝從海上來。
密洒園林聲浙澹，交流陵澤浪崔嵬。
龍飛霄漢風雷動，鯤化天池羽翼開。
六合茫茫看一洗，高堂獨坐興悠哉。

早秋

露下梧桐一葉飛，早秋涼氣襲人衣。
西風樹老蟬聲急，夜

月涼深燕影稀
寫鏡每看新事業
龍泉頻拭舊光輝
黃花晚景真堪賞
九辯何須怨夕暉

都城喜雨

祥雲無處不從龍
好雨來時自九重
泛灑已應千里遍
沾濡旋及萬方同
水連雲漢息波闊
山繞皇都樹色濃
自是太平今有象
康衢歌裏慶年豐

都城春久永懷二首

春城鼓角夜沉沉
旅館東風動客吟
何處樓臺閑好景
誰家絃管動清音
燈前看劍添雄志
勝上鳴琴托古心
呼酒更須連夜飲
放懷寧惜橐中金

花外更籌刻漏遲
客邊清興少人知
歌餘綠樹風生處
坐

到青天月上時
對酒豈能對北斗
誦詩空解均王南
箕清宵俯仰情何限
寐寔誰能問所思

早過天津即直沽

烟收澤國曉天晴
日出扶桑萬里明
二水交流東海闕
一城雄鎮朔方清
連雲風送孤帆迅
夾岸潮隨大舶平
借問關門來往客
不知誰是棄繻生

七夕雨

大孫不乞人間巧
故使秋雲蔽月輝
銀漢晚烟迷鶴馭
玉霄涼雨澣仙衣
更無絲結看蛛綴
祇想橋成有鵲飛
獨立秋風倍惆悵
通津何處問橫機

春日懷舊日遊簡齊貢士二首

剡門春色阻關河，冰野東風長綠莎。正是懷人烟景暮，不堪對酒雨聲多。閑中謾寫凌雲賦，醉裏誰聽白雪歌。惟有流鶯相厚意，柳溪花徑數來過。

落落襟懷正黯然，早春時節憶前年。玉田城外花經雨，藍水橋頭柳帶烟。千里交游成遠夢，百年蹤跡任青天。高山流水知音在，還對東風理素絃。

登寶聖閣二首

梁苑清秋白晝閑，偶尋名利扣禪關。百盤飛磴身遙上千尺，危闌手自攀。已見神遊朝貝闕，便從羽化出塵寰。中天俯仰多時節，颯颯天風冷珮環。

化人樓閣倚晴霄，大地山河極杳遙。秋入淮黃波浩蕩，雲開嵩少影岩堯。九天沆瀣寒堪吸，八牖星辰近可招。十二曲闌暉倚遍，一襟涼思正飄飄。

鹿鳴宴二首

揭曉鄉闈日正晴，大開藩府會文星。繡衣弭節皆英俊，章甫持衡盡老成。龍管緩吹金縷細，鳳笙齊逐玉杯行。酒闌歸騎西風穩，蟾魄秋高萬里明。

古木森森政事堂，興賢開宴會金章。緋衣送酒傾鸚鵡，翠袖吹笙引鳳凰。晴日漸移珠箔影，暖烟深護瑞爐香。祇知醉裏風雲闊，袖拂歸鞭滿路霜。

晚翠軒為李大參賦

為嫌紅紫競春風，獨愛幽軒晚色濃。霜後翠飄千箇竹，雪

中清藹教株松自綠品蒙收根別解與忠良勁節同畫省
公餘肯宋足一襟清思歲寒中

題滄州丹室春

道人結屋滄州裏四面闌干枕碧端石榻生寒秋氣潤柴
門湧月夜濤寒鸞凰佩影空中見龍虎丹光水底蟠清絕
一壺飛不到蓬壺元只在人間

送友人下第歸山東

殘紅滿地草萋萋把酒都門惜解携祇擬大鵬搏碧落可
應騶馬蹴霜蹄天開汶水龜蒙近日轉瀛洲岱岳低一曲
瑤琴休悵別皇來雲路有丹梯

題溪山嘉趣圖

仙人騎鶴去已久猶有畫圖傳世間石林倒浸碧溪裏玉
峰秀出青雲端數椽茅屋鎮家門一葉扁舟常往還借問
此中何所樂萬事不羈山水閒

送王上舍歸省

鳳城南陌柳依依把酒東風送客歸上舍已霑新雨露高
堂重舞舊斑衣文章濟世時應重忠孝傳家古亦稀我亦
有親垂鶴髮願承天寵拜庭闈

登科後還家省侍

萬里鵬程浩蕩飛千年際遇古今稀初從天上看金榜又
向人間戲綵衣衛水南旋帆漠漠晉山西上馬駢駢
君親恩比滄溟大忠孝深期願莫違

洛水道中

古道繁迴傍險行蕭蕭禾黍晚風清無邊詩思嵩高色不
盡年光洛水聲華表柱頌秋草人台龜跌碑暗雨苔生往來
人世成今古一曲高歌寄此情

狄梁公墓

印山山下重夷猶曠世思公涕淚流荒塚一杯埋義氣豐
碑千古表忠謀李唐神器危還正武媚妖氛散復收更賴
紫陽華表重奸邪聞見總包羞

陝州抵沙澗渡

重岡高下近弘農北首鄉關喜氣濃三晉雲山秋色裏兩
河烟樹夕陽中棄繻誰識當年客採藥應無舊日公山遠岸

急風吹大舫令人却憶濟川功

雨中過條山

一夜秋空結晚陰曉來衝雨歷層岑山迴雲藉蕭蕭多
轉雲濤漠漠深最嚴潢流淹遠道酷憐霜菊折秋金却思
二十年前路岷水岷山萬里心

題蘇大尹具慶卷

採養双親志不違人生此樂似君稀階前椿樹風長靜屋
背萱花露未晞百里忽傳毛義檄三春又舞老萊衣定知
移孝為忠日應有聲名達 禁闈

黃河阻風遣悶

遠岸沙飛風浪渾流澌不斷下三門蛟龍凍蟄波心水舟

相寒依渡口村破悶只須吟麗句消愁誰與質清樽臨流
苦憶殷賢相回首傳岩烟霧昏

和經武氏舊基韻

羽衣曾此侍鑿與觀關今為一發區鸚鵡尚留青帝坐乳
鷄無復紫宸居已看大象飛寒燼又見天樞偃綠無惆悵
當年多少事西風回首一長吁

送王別駕

十五年前是故人還家今見錦衣新麟經共仰淵源學驥
足終為鼎鼎臣遠別黃堂當晚歲遙瞻紫禁正新春河
橋分手情無限目送班生游路塵

卜居後簡陳廣文

轉蓬天地欲何如又向中州買屋居峴首詩人王蔡宅南
陽豪傑孔明廬行藏祇想前賢迹事業惟存往日書賴有
知音陳掌教時能相顧慰蕭疎

和劉愈憲見貽韻

明公年妙蘊經濟登車攬轡何壯哉昔遊梁苑思一見今
在衆陽逢又來知音幸自遇青眼得意便當傾玉杯明日
河橋暫分手亨衢有約共徘徊

有懷玉犬尹汝霖

昔當賤子還家日政是賢侯赴闕時暫對離樽論出處遠
從別路說相思重來只見棠陰滿一去空憐鴈影遲好在
當年舊山水登臨誰與賦新詩

有懷余廣文

先生去此幾經年一度歸來一惘然綺席每思留月醉書
牕長憶聽松眠流傳尚有關心句清切難尋入耳絃負却
山川無限好把杯吟向晚涼天

夏夜邑學士友携酒共話

留連不盡意如何良夜相陪笑語多銀燭檢書勞問難玉
童携酒費吟哦樓頭遠鼓催華月天外微風落絳河坐到
中宵人客散壯懷猶擊唾壺歌

袁王社三老携酒贈話舊酬以詩

為謝殷勤父老情到門相顧問歸程盤將銀鱸黃河鯉酒
挈青絲白玉琖細話交遊非任歲劇談間里異平生從今

秋屨頻來往南陌東阡儘送迎

有懷魏希文

君居勳是我汾陽隱隱雲山道路長每念昔年心事好却
轉近日宦情忙一生經世詩盈紙幾度懷人酒滿觴總是
龍鍾應有分莫交容易鬢成霜

聞蟬

夏館秋涼客寓居忽聞簾外一蟬初已知時序相催急併
覺天真感激餘楚辭吟秋蛩韻切齊箏彈月鴈行疎裁書
為報歐陽子萬響中間有太虛

秋日峭河道中

匹馬重經舊路岐西風蕭瑟晚秋時山川閱世無今古花

草娛人有盛衰幾道泉鳴幽澗石兩岸蟬響夕陽枝紙應
詞客偏多感處處秋光首首詩

送馬太守之西安

玉階新拜 寵恩濃皂蓋西行五馬同秦樹到關開曉色
岳連當路出奇峯好詢民隱周三輔為播仁風吞九重青
史古稱張趙蹟會看勳業繼前蹤

呈王大參

千年海岳鍾英俊獨步文章擢茂科執法烏臺留勁節分
符徽省布陽和春風隴麥行邊秀時兩棠陰到處多金鼎
調元應有日豐功行見被絃歌

春郊寓目

杏花開後近清明雨過郊原愛日晴風轉綠蕪浮曉色氣
催黃鳥變春聲山連少室峯巒秀地入梁園草樹平此景
真堪供賦賞恨無知己論詩情

登溫縣城

古堞攀躋最上層烟蕪渺渺望中平大河波浪排空濁少
室峰巒隔岸青巷陌雨餘林影潤城壕風起柳花輕平生
最喜登高賦况有沽來酒滿瓶

河陽懷古

武王曾此奮天戈繼世其如出狩何兩岸綠楊遮澳水滿
汀芳草際黃河却經墓古聲名大潘岳花殘歲月多逐馬
堤邊重回首魏馬堤即唐李光紫金山色鬱嵯峨

次陳廣文韻留別 二首

榮陽南望萬山橫陽山名偶此成家計未安生意祇憑禾
稼好離情惟向酒杯寬詩留東道春將暮馬渡西河夏未
殘自笑往來成底事鼎彝勛業定誰刊
千里關河百慮攢不知何日此身安祇應浩浩風雲闊倍
覺茫茫宇宙寬三晉到時蚕已老二陵行處麥將殘人生
離合尋常事要使高名世不刊

晚登故鎮寺樓

危樓峨峨杳靄間登臨不盡壯懷寬千年土地唐風舊一
派河流禹跡間鳥車夕陽歸遠樹龍携暮雨過前山此時
無限飄然思便欲因風上九關

送楊景端赴秋試至寶勝寺

有客將為汗漫遊偶過山寺暫淹留門開佛殿金銀屢路
入禪房草樹幽市酒飲多還覺醉風蟬響急又驚秋若行
若到丹丘上為報群仙未白頭

秋日家山雜詠 五首

八月家山覺早涼登臨懷古典何長醉鄉樂土輸王績魯
國高文老卜商漢祀汾陰遺廟在殷遷助邑故城荒樓船
簫鼓吹流水一曲秋風菊又芳

孤城北望萬峯高禹鑿龍門勢獨豪三晉山河還表裏千
年人物舊風騷子安詩在名猶盛太史書成志已勞難覓
醉鄉王學士秋未禾黍滿東臯

蕭蕭林壑動秋風，獨上崇岡四望同。
九折河流皆禹迹，千年疆宇總堯封。
龍門獻策文中子，麟趾成書太史公。
搔首高人今遠矣，斷雲滿目送征鴻。

黯淡輕陰結遠天，無邊秋色正蕭然。
蒼崖斷岸西風裏，古剎荒祠夕照邊。
黃菊已隨陶令老，丹砂不信葛洪仙。
豪華靡：皆如此，惟有騷人麗句傳。

雲山西去接崑崙，河水東來下禹門。
疏鑿僅能留勝迹，浮沉誰復問真源。
將軍三箭功何似，教授千年道僅存。
獨立西風看秋色，幾多心事向誰論。

安邑道中

魏主城頭日欲晡，尚驅羸馬涉前途。
黑龍堰古波濤壯，青

石槽長草樹疎風，土上仍存唐帝俗。
川原猶帶夏王墟，憑高處處頻回首。
目斷雲山憶故居。

平陸謁傅說祠

澗道重岡擁復迴，秋風老樹古祠開。
帝廷大命紓宸念，箕尾清光接上台。
欲奠市沽思麩蕩，將羞時品憶鹽梅。
故知岩穴多奇士，可足旁求到草萊。

渡茅津

舟人催棹渡茅津，南上崇岡感慨頻。
昨日猶為故里客，今朝又作異鄉人。
風霜淒冷關河曉，草木凋殘歲月新。
却愧傳岩操築老，不應如我久征塵。

河池懷古次劉愈憲韻二首

行過嶺陵到沔池九秋黃葉撲人衣風來澗水波聲急霜
下韶山樹影微地遠黃河連暮靄峰高白石淡秋暉當時
秦趙同盟處只有荒臺鳥雀飛

沔流猶遠樵城池城下秋風動客衣桓塚未荒王業降盟
臺已築霸功微石門衰草連秋色亭柱踈林暎夕暉更上
馬頭高處望五龍潭畔暮雲飛

山作高城水作池諸侯曾此會戎衣臺荒已見矢威息波
響猶疑瑟韻微周黨聲名垂汗竹桓王弓劍雷針暉登臨
不盡千年意目送秋空一雁飛

新安次劉愈憲韻

千載新安要路邊出關知是幾時遷水流湮澗深還靜山

接嵩邱斷復連古洞棊枰疑在迹白墻石溜即名泉平生
最愛錢宣靖絕勝王喬第一仙

夏溪書舍為劉進士賦

高人臨水築茅堂八牖開風面面涼芳草滿庭交翠色露
荷當檻發幽香彈琴石瀨含秋響杖策藜燈耿夜光我欲
携筇遠相訪暫從墳典話黃唐

簡白沈三潘府二首

雄鎮堂堂相府深爐烟不受曉寒侵調元總屬經綸手下
上帝存吐握心歲晚松枝留勁節春來棠葉詔濃陰豐功
會見銘鐘鼎應有清光照古今

大函提封接帝居大藩公相盡名儒觀風歲久山常靜宣

德冬來日漸舒畫省煖雲浮瑞鴨雕闌晴雪照金魚書生
亦有扶搖翼更借剛風到碧虛

留別文孫王宋四廣文

我客并州歲晏時偶然相見即相知香醪淺酌還深酌佳
句朝題復暮題意氣難逢今日好風流不讓古人為嗟予
走馬明朝去雪嶺水崖有所思

贈澤庠趙廣文 三首

投宿山城雪打衣廣文情重啓華扉爐開瑞獸能噴燄燈
結金蟲解吐輝官況不嫌如我淡交情深嘆似君稀明朝
又上羊腸道回首寒雲滿目飛

先生事業近何如渡澤菁莪樂沛濡龍目豈無清獻鶴傳

家應有子昂書緗縑歲久去除蠹堂戶年來鶴送魚握手

臨岐何所祝洪淵還好探驪珠

登科輸子只三籌梁苑當年一樣秋往日已曾傾蓋語今
朝何必典衣留擬添醅醑頻斟酌唾落珠璣迭唱酬咫尺
關河隔南北晉山明月下中州

贈袁司訓

華胃遙代作公先生還此振儒風已從桂籍看清譽又
向芹宮識粹容狂飲尚能欺臘蟻放歌誰復感秋蓬追隨
駿馬城南別笑拂吳鉤氣吐虹

俯武懷古 二首

春過甯邑馬行遲攬轡東風眺望時淬劍池留中散迹承

恩鎮駐武王師劉伶醒酒臺猶在漢獻封公塚謾遺七世
同居良亦少至今人詠義夫詩

甯邑南邊潁水流勒兵周武幾經秋黃崖石古烟雲合青
口山深草樹稠百佛謾存岩畔迹七真無復洞中遊循良
衛颯今何似猶有高名播九州

題沈令雙桂堂

小山人去歲悠哉移得芟叢夾戶栽綠蔭共隨簷影落清
香時逐綵衣來年深應有連枝瑞老大寧非聳壑材總賴
高堂培養力秋風還有幾花開

題沈令瞻松卷

底處知君憶所天瞻松終日涕漣漣春翻時雨情何極秋

灑空風興慨然為語故巢天欲曙鶴來滄海白初圓此情
欲問何時盡直到蒼、化石年

酬師中吉見貽韻

老成名譽遠流傳忽寄新詩到客邊玉札丹砂應有訣蒼
顏白髮保無愁失雲病鶴翎猶健趁日芳藜色自妍莫向
周南嘆留滯丹梯依舊好攀緣

送李少府從征

相知未久又分襟春色離情兩不禁暫解琵琶辭汴水還
衣書錦過家林野塘日暖冰消玉官路風和柳舞金談笑
青油有餘興鱗鴻頗為寄佳音

和曾舍憲贈劉舍憲韻二首

乘輅早歲赴二川按節中州又幾年天啓貞符欣際遇星
明執法凌超逸網維已見當時振詩卷仍留後世傳邂逅
幾回嗟又別好期勛業在凌烟
闡築烏臺一室成四圍曉色抱虛明簾櫳雨過琴書潤戶
牖風來枕簟清白筆通宵飄爽氣訟庭長夏絕置聲懸知
到處留遺愛蹟有棠陰繞棟楹

題劉余憲琴書清處

虛菴底處貯琴書閨築幽軒傍所居竹葉分陰侵几席松
花和雨點階除調高爨尾初離匣帙古芸香正滿厨好在
希聲與真意一襟清思迫難如

興隆寺

百尺高臺接女牆梵王樓閣白雲鄉
捲西山爽氣涼遠山屏風蘆秋瑟滿城烟樹晚蒼
一氣乾坤大併覺身心入混茫

魯齋先生覃懷書院

南北風塵頌洞中天開人極產英雄幾年力學尊尼父萬
里心傳得晦翁自信興王為大道豈知伐國是元功當時
歸老情何切為愛西山萬玉峯

簡崇同知

手持雲錦到天鄉鷓鴣言罷衢共頌頽欬法十年推定國分
符千里得王祥清聲籍傳中土爽氣飄接太行政暇
好書還自覽新涼昨夜滿黃堂

覃懷秋曉作

樵樓月落曉鍾清
起坐南窓讀聖經
道大豈如湖海闊
義微何止羽毛輕
天開罅規鴉初散
風過園林葉盡鳴
便欲出城閑極目
西風清絕有高樓

覃懷秋夕詠懷

客裏覃懷又過秋
一樽相對興悠悠
論材恥作千人俊
接筆寧期萬里侯
霜葉滿庭紅不掃
月華當戶靜還留
人生志業無窮在
肯學潘生歎白頭

寄沈仲安廣文

幾度相逢汴水邊
好懷偏為客留連
北窓夜坐銀燭南
浦朝遊並錦鞵
共指黃流經朔漠
獨尋廣武暗秋烟
典君

辛酉俱年以莫寄變成內文篇

敬軒薛先生文集卷之七

1871

